

COMISIÓN INFORMATIVA DE CULTURA, DEPORTES E MOCIDADE

ACTA da mencionada comisión informativa, correspondente ao día **23 de marzo de 2023**

Ás 17.42 horas do día 23 de marzo de 2023, réunese a Comisión Informativa de Cultura, Deportes e Mocidade, na sala de xuntas da Deputación Provincial, coa asistencia dos seguintes deputados e deputadas:

Presidenta: D.^a Ana Patricia Torres Madureira

Deputados/as do Grupo Popular:

D. Álvaro José Fernández López

D.^a Consuelo Vispo Seara

D. César Manuel Fernández Gil

D.^a Ana María Villarino Pardo

Deputados/as do Grupo Socialista:

D.^a Susana Rodríguez Estévez

D. Álvaro Vila Araújo

D.^a Margarita Pérez Fernández

Deputados de Democracia Ourense: D. Armando Ojea Bouzo

Deputado do BNG: D. Bernardo Varela López

Deputada non adscrita: D.^a Montserrat Lama Nóvoa.

Secretario: D. Adamantino Barreiro García

Interventora: D.^a Begoña Álvarez Matos

Seguidamente, iniciouse o tratamento dos asuntos incluídos na orde do día, do xeito que se reflicte a continuación:

1º.- APROBACIÓN DA ACTA DA SESIÓN ANTERIOR, CORRESPONDENTE Á ORDINARIA DO DÍA 16 DE FEBREIRO DE 2023.-

Pola Secretaría Xeral deuse traslado do borrador da acta anterior, correspondente á ordinaria do día 16 de febreiro de 2023.

Non se producen intervencións e por unanimidade, a comisión adopta o seguinte acordo:

Aprobar a acta da sesión ordinaria da Comisión Informativa de Cultura, Deportes e Mocidade do día 16 de febreiro de 2023, conforme co borrador elaborado pola Secretaría Xeral.

2º.- RATIFICACIÓN DA DECISIÓN DE INICIAR O EXPEDIENTE PARA O OUTORGAMENTO DO TÍTULO HONORÍFICO DE FILLA PREDILECTA DA PROVINCIA DE OURENSE A TÍTULO PÓSTUMO Á DOUTORA ANTONIA FERRÍN MOREIRAS.

D. Bernardo Varela López, do BNG, agradece a axilidade para tomar en consideración por parte do grupo de goberno este acordo que se adoptou por unanimidade no Pleno anterior respecto a estas dúas mulleres que o teñen ben merecido. Engade que dende o seu grupo van apoiar esta proposta.

Non se producen máis intervencións e, por unanimidade, a comisión ditamina favorablemente a adopción, por parte do Pleno, do seguinte acordo:

Ratificar a decisión da Presidencia do inicio do expediente para outorgamento do título honorífico de Filla Predilecta da Provincia de Ourense a título póstumo á doutora Antonia Ferrín Moreiras, mediante a seguinte providencia do 3 de marzo de 2023:

“O Pleno da Corporación Provincial, na sesión ordinaria realizada o día 24 de febreiro de 2023, acordou incoar expediente de honra á doutora Antonia Ferrín Moreiras e nomeala Filla Predilecta da provincia de Ourense a título póstumo neste ano 2023.

Antonia Ferrín Moreiras, nada no Carballiño en 1914 e falecida en Santiago de Compostela en 2009, a que foi primeira muller en ler unha tese doutoral sobre astronomía no Estado español, no 1963, tamén a primeira tese que foi defendida sobre a materia na facultade de matemáticas da USC, onde se licenciara e fixera ó tempo a carreira de Maxisterio. Licenciada en Químicas e Farmacia, chegou a ser depurada como mestra no 37, polo réxime franquista. Como primeira astrónoma titulada no Estado e discípula avantaxada de D. Ramón María Aller, os seus principais traballos foron sobre ocultacións estelares, medidas de estrelas dobres e determinación de pasos por dúas verticais. Foi polo tanto profesora na USC, catedrática numeraria de matemáticas na Escola de Maxisterio Santa María de Madrid, ademais de estudante, investigadora, mestra e sobre todo muller nun entorno social onde as mulleres o tiñan aínda moito mais complicado ca hoxe. Mesmo a día de hoxe a Universidade de Vigo concede un premio á igualdade de xénero co seu nome.

De conformidade co artigo 10 do Regulamento de Honores e Distincións da Deputación Provincial de Ourense, o órgano competente para ordenar a instrución do expediente será a Presidencia. Sen prexuízo disto, considérase oportuno solicitar o parecer do Pleno da Corporación en canto a ratificar a decisión de iniciar a instrución do expediente.

*Polo exposto, **DISPOÑO**:*

1º.- Incoar o expediente para o outorgamento do título honorífico a título póstumo de Filla Predilecta da Provincia de Ourense á doutora Antonia Ferrín Moreiras.

2º.- Designar á deputada provincial dona Ana Patricia Torres Madureira como instrutora do expediente, conforme co que dispón o capítulo III do Regulamento de Honores e Distincións da Deputación de Ourense. A deputada instrutora actuará asistida polo asesor de presidencia don Aurelio Gómez Villar, que actuará como secretario do expediente.

3º.- Solicitarlle á Comisión Informativa de Cultura, Deportes e Mocidade que ditamine favorablemente a ratificación, por parte do Pleno da Deputación Provincial de Ourense, da decisión de iniciar o dito expediente”.

3º.- RATIFICACIÓN DA DECISIÓN DE INICIAR O EXPEDIENTE PARA O OUTORGAMENTO DO TÍTULO HONORÍFICO DE FILLA PREDILECTA DA PROVINCIA DE OURENSE Á DOUTORA MARÍA CRESPO LEIRO.

Non se producen intervencións e, por unanimidade, a comisión ditamina favorablemente a adopción, por parte do Pleno, do seguinte acordo:

Ratificar a decisión da Presidencia do inicio do expediente para outorgamento do título honorífico de Filla Predilecta da Provincia de Ourense á doutora María Crespo Leiro Moreiras, mediante a seguinte providencia do 3 de marzo de 2023:

“O Pleno da Corporación Provincial, na sesión ordinaria realizada o día 24 de febreiro de 2023, acordou incoar expediente de honra á doutora Matria Crespo Leiro e outorgarlle o título de Filla Predilecta da provincia de Ourense neste ano 2023.

María Crespo Leiro, nada en Cea en 1961. Referente mundial no ámbito da insuficiencia cardíaca e os transplantes de corazón. Licenciada en Medicina pola Universidade de Santiago de Compostela e doutorada pola Autónoma de Madrid, xefa do servizo de insuficiencia cardíaca do Hospital Universitario da Coruña, coordina o grupo de investigación de IC avanzada y TC del instituto de Investigación Biomédica da Coruña (INIBIC), así mesmo é xefa de grupo no CHUAC do Centro de Investigación Biomédica en

Red Cardiovascular (CIBERCV) do Instituto da Saúde Carlos III. Leva publicados máis de 250 artigos e foi mestra en distintas Facultades de Medicina. Recoñecida en diferentes ámbitos internacionais e asociacións de cardioloxía, foi coordinadora do Rexistro Europeo de Insuficiencia Cardíaca ata o ano 2016, a doutora Crespo Presidiu a sección de Insuficiencia Cardíaca e Transplante Cardíaco da Sociedade Española de Cardioloxía entre o 2003 e o 2006, foi recoñecida pola Xunta de Galiza coa medalla Castelao e nomeada filla predilecta do seu concello de nacemento.

De conformidade co artigo 10 do Regulamento de Honores e Distincións da Deputación Provincial de Ourense, o órgano competente para ordenar a instrución do expediente será a Presidencia. Sen prexuízo disto, considérase oportuno solicitar o parecer do Pleno da Corporación en canto a ratificar a decisión de iniciar a instrución do expediente.

*Polo exposto, **DISPOÑO:***

1º.- Incoar o expediente para o outorgamento do título honorífico de Filla Predilecta da Provincia de Ourense á doutora María Crespo Leiro.

2º.- Designar á deputada provincial dona Ana Patricia Torres Madureira como instrutora do expediente, conforme co que dispón o capítulo III do Regulamento de Honores e Distincións da Deputación de Ourense. A deputada instrutora actuará asistida polo asesor de presidencia don Aurelio Gómez Villar, que actuará como secretario do expediente.

3º.- Solicitarlle á Comisión Informativa de Cultura, Deportes e Mocidade que ditamine favorablemente a ratificación, por parte do Pleno da Deputación Provincial de Ourense, da decisión de iniciar o dito expediente”.

4º- MOCIÓNS DE URXENCIA.- Trala unánime declaración da súa urxencia, por non figurar na orde do día, tratouse o seguinte asunto:

4ºA.- EXPEDIENTE PARA A CONCESIÓN DA MEDALLA DE OURO DA PROVINCIA DE OURENSE A ANTONIO CARREÑO GONZÁLEZ

A **presidenta da comisión** informa que todos os membros recibiron a documentación na que consta a motivación, elaborada polo instrutor do expediente, don César Manuel Fernández Gil.

D. Bernardo Varela López, do BNG, indica que apoiarán esta proposta.

Non se producen máis intervencións e, por unanimidade, a comisión ditamina favorablemente a adopción, por parte do Pleno, do seguinte acordo:

Outorgarlle a distinción de MEDALLA DE OURO DA PROVINCIA DE OURENSE ao destacado filólogo e investigador don Antonio Carreño González, como homenaxe e recoñecemento do pobo de Ourense a toda unha vida dedicada á docencia, á incansable e rigorosa investigación e xunto coa súa superación persoal que o levou dende Parada de Sil a ser considerado o máis alto especialista mundial na figura de Lope de Vega. Todo isto de conformidade cos artigos 1, 7, 9, 10 e 11 do Regulamento de honores e distincións da Deputación de Ourense, e consonte coa proposta formulada polo instructor do expediente.

5º.- ROGOS E PREGUNTAS.- Nesta quenda prodúcense as seguintes intervencións:

D. Álvaro Vila Araújo, do Grupo Socialista, indica que recentemente se publicou que na Deputación se esgotaron os fondos para actividades musicais e escénicas e pregunta se se vai ampliar o crédito e os fondos. E tamén pregunta como está o expediente de honra e medalla de ouro a don Xosé Cid.

A **presidenta da comisión** responde, segundo lle indica a responsable de intervención, que se amplía o crédito a 125.000 euros no Pleno deste mes. Respecto ao expediente de don Xosé Cid, cre que xa se iniciou pero consultará e lle trasladará a información.

E, ás 17.47 horas, dáse por finalizada a reunión, redactándose a presente acta que se asinará electronicamente. Dou fe.